



ПСАЛТИРЬ



Издательство Московской Патриархии
Русской Православной Церкви
2017

УДК 27–528
ББК 86 372
П 86

Рекомендовано к публикации
Издательским Советом
Русской Православной Церкви
ИС Р17-708-3148



МОЛИТВЫ ПЕРЕД НАЧАЛОМ ЧТЕНИЯ ПСАЛТИРИ

**Разумно да будет, како подобает
особь пети Псалтирь**

Аще иерей, глаголет:

Благословен Бог наш, всегда, ныне
и присно, и во веки веков.

Аще ли ни, глаголи умиленно:

Молитвами святых отец наших,
Господи Иисусе Христе Боже наш, по-
милуй нас. Аминь.

Слава Тебе, Боже наш, слава Тебе.

Царю Небесный, Утешителю, Духе
истины, Иже везде сый и вся исполняяй,
Сокровище благих и жизни Подателю,

Псалтирь. — М.: Издательство Московской Пат-
риархии Русской Православной Церкви, 2017. —
448 с.

© Издательство Московской
Патриархии Русской
Православной Церкви, 2017

ISBN 978-5-88017-599-4

прииди́ и всели́ся в ны, и очисти ны от вся́кия скве́рны, и спаси́, Бла́же, ду́ши на́ша.*

Святы́й Бо́же, Святы́й Кре́пкий, Святы́й Безсме́ртный, поми́луй нас. (*Три́жды*)

Сла́ва Отцу́ и Сы́ну и Свято́му Ду́ху, и ны́не и прісно, и во ве́ки веко́в. Ами́нь.

Пресвята́я Трѳице, поми́луй нас: Го́споди, очисти грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. (*Три́жды*)

Сла́ва Отцу́ и Сы́ну и Свято́му Ду́ху, и ны́не и прісно, и во ве́ки веко́в. Ами́нь.

* От Пасхи до Вознесения вместо этой молитвы читается тропарь:

«Христос воскрес из мертвых, смертию смерть поправ и сущим во гробех живот даровав». (Трижды)

От Вознесения до Троицы после предначинательной молитвы: «Молитвами святых отец наших:» сразу читается «Святы́й Бо́же:»

Отче наш, Иже еси́ на Небесех! Да святится́ и́мя Твое́, да придет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и остави́ нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но избáви нас от лука́ваго.

Тропарі сия́, глас 6:

Поми́луй нас, Го́споди, поми́луй нас: вся́каго бо отве́та недоуме́юще, сию́ Ти моли́тву, я́ко Влады́це, грешнии прино́сим: поми́луй нас.

Сла́ва Отцу́ и Сы́ну и Свято́му Ду́ху.

Честно́е проро́ка Твоего́, Го́споди, торже́ство, Не́бо Це́рковь показа́, с челове́ки ликуют А́нгели. Того́ моли́твами, Христэ́ Бо́же, в ми́ре упрáви живо́т наш, да поём Ти: аллилу́ия.

И ны́не и прісно, и во ве́ки веко́в. Ами́нь.

Мно́гая мно́жества мо́их, Богоро́дице, прегрешéний, к Тебé прибе́гох, Чы́стая, спасéния трéбуя: посетí немо́щству́ющую мою́ ду́шу, и моли́ Сы́на Твоего́ и Бо́га на́шего, да́ти ми оставле́ние, я́же соде́ях лю́тых, еди́на Благослове́нная.

Го́споди, поми́луй. *(40 раз) И покло́нися, ели́ко ти мо́жно.*

Та́же моли́тва

Святе́й Живонача́льней Трѳице:



Всесвята́я Трѳице, Бо́же и Соде́телю всего́ ми́ра, поспешí и на́прави се́рдце моё, нача́ти с ра́зумом и конча́ти де́лы благи́ми богодухнове́нныя сия́ кни́ги, я́же Святы́й Ду́х усты́ Дави́довы отры́гну, ихже ны́не хо́щю глаго́лати аз недостѳйный. Разу́мея же своё неве́жество, припа́дая молю́ся Ти, и е́же от Тебé по́мощи прося́:

Го́споди, у́прави ум мой и утверди́ се́рдце моё, не о глаго́лании усте́н стужа́ти сý, но о ра́зуме глаго́лемых веселíтся, и пригото́вится на творéние до́брых дел, я́же учýся, и глаго́лю: да до́брыми де́лы просвещéн, на суди́щи десны́я Ти страны́ прича́тник б́ду со все́ми избра́нными Тво́ими. И ны́не, Влады́ко, благослови́, да воздохну́в от се́рдца, и язы́ком воспою́, глаго́ля сýце:

Приидíte, поклонíмся Царéви на́шему Бо́гу.

Приидíte, поклонíмся и припадéм Христу́, Царéви на́шему Бо́гу.

Приидíte, поклонíмся и припадéм Самому́ Христу́, Царéви и Бо́гу на́шему.

Та́же постѳй ма́ло, до́ндеже утиша́тся вся чу́вства. Тогда́ сотвори́ нача́ло не вско́ре, без ле́ности, со умилéнием и сокруше́нным се́рдцем. Рцы́ сие́: «Блаже́н

муж:» тихо и разумно, со вниманием, а не борзяся, якоже и умом разумевати глаголемая.


На коейждо «Славе» глаголем:

Слава Отцѹ и Сѣну и Святому Дѹху, и ныне и присно, и во веки веков. Аминь.

Аллилу́ия, аллилу́ия, аллилу́ия. Слава Тебѣ, Бо́же. (Трижды)

Господи, помилуй. (Трижды)

Слава Отцѹ и Сѣну и Святому Дѹху, и ныне и присно, и во веки веков. Аминь.



ПСАЛТИРЬ ПРОРОКА И ЦАРЯ ДАВИДА

КАФИ́СМА ПЕРВАЯ

Псалом Давиду,
не написан у еврей, 1

Блажен муж, иже не иде на совет нечестивых, и на пути грешных не ста, и на сядалищи губителей не седе. ²Но в законе Господни воля его, и в законе Его поучится день и ночь. ³И будет яко древо, насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. ⁴Не тако нечестивии, не тако: но яко прах,

егоже возметает ветр от лица земли.
⁵Сего ради не воскреснут нечестивии на суд, ниже грешницы в совет праведных.
⁶Яко весть Господь путь праведных, и путь нечестивых погибнет.

Псалом Давиду, 2



Вскую шаташася языцы, и людие поучишася тщетным? ²Предсташа царие земсти, и князи собрася вкупе на Господа и на Христа Его. ³Расторгнем узы их и отвержем от нас иго их. ⁴Живый на Небесех посмеется им, и Господь поругается им. ⁵Тогда возглаголет к ним гневом Своим, и яростию Своею смятет я. ⁶Аз же поставлен есмь Царь от Него над Сионом, горю святою Его, ⁷возвещаяй повеление Господне. Господь рече ко Мне: Сын Мой еси Ты, Аз днесь родих Тя. ⁸Проси от Мене, и дам Ти языки досто-

яние Твое, и одержание Твое концы земли. ⁹Упасеши я жезлом железным, яко сосуды скудельничии сокрушиши я. ¹⁰И ныне, царие, разумейте, накажитеся вси судящие земли. ¹¹Работайте Господеву со страхом, и радуйтесь Ему с трепетом. ¹²Приимите наказание, да не когда прогневается Господь, и погибнете от пути праведнаго, егда возгорится вскоре ярость Его. Блажени вси надеющиеся Нань.

¹ Псалом Давиду, внегда отбегаше от лица Авессалома, сына своего, 3



Господи, что ся умножиша стужающие ми? Мнози востают на мя, ³мнози глаголют души моей: несть спасения ему в Бозе его. ⁴Ты же, Господи, Заступник мой еси, слава моя, и возносяй главу мою. ⁵Гласом моим ко Господу возвах, и услыша мя от горы

святыя Своея. ⁶Аз уснух и спях, востах, яко Господь заступит мя. ⁷Не убоюся от тем людей, окрест нападающих на мя. ⁸Воскресни, Господи, спаси мя, Боже мой: яко Ты поразил еси вся враждующия ми все, зубы грешников сокрушил еси. ⁹Господне есть спасение, и на людех Твоих благословение Твое.

Слава:

**¹ В конец, в песнях,
псалом Давиду, 4**

Внегда призвати ми, услыша мя Бог правды моея, в скорби распространил мя еси: ущедри мя и услыши молитву мою. ³Сынове человечести, доколе тяжкосердии? Вскую любите суету и ищите лжи? ⁴И уведите, яко удивил Господь преподобнаго Своего: Господь услышит мя, внегда воззвати ми к Немю. ⁵Гневайтесь, и не со-

грешайте, яже глаголете в сердцах ваших, на ложах ваших умилитесь. ⁶Пожрите жертву правды и уповайте на Господа. ⁷Мнози глаголют: кто явит нам благая? Знаменася на нас свет лица Твоего, Господи. ⁸Дал еси веселие в сердце моем: от плода пшеницы, вина и елеса своего умножишася. ⁹В мире вкупе усну и почию, яко Ты, Господи, единого на уповании вселил мя еси.

**¹ О наследствующем,
псалом Давиду, 5**

Глаголы моя внуши, Господи, разумей звание мое. ³Вонми гласу моления моего, Царю мой и Боже мой, яко к Тебе помолюся, Господи. ⁴Заутра услыши глас мой, заутра предстану Ти, и узриши мя. ⁵Яко Бог не хотяй беззакония, Ты еси: не приселится к Тебе лукавнуая, ⁶ниже пребудут

беззаконницы пред очима Твоима. Возненавидел еси вся делающия беззаконие, ⁷погубиши вся глаголющия лжу: мужа кровей и льстива гнушается Господь. ⁸Аз же множеством милости Твоея, вниду в дом Твой, поклонюся ко храму святому Твоему, в страхе Твоем. ⁹Господи, настави мя правдою Твоею, враг моих ради исправи пред Тобою путь мой. ¹⁰Яко несть во устех их истины, сердце их суетно, гроб отверст гортань их, языки своими льстаху. ¹¹Суди им, Боже, да отпадут от мыслей своих: по множеству нечестия их изрини я, яко преогорчиша Тя, Господи. ¹²И да возвеселятся вси уповающи на Тя, во век возрадуются, и вселишия в них: и похваляться о Тебе любящия имя Твое. ¹³Яко Ты благословиши праведника, Господи, яко оружием благоволения венчал еси нас.

**¹ В конец, в песнях о осмом,
псалом Давиду, 6**



Господи, да не яростию Твоею обличиши мене, ниже гневом Твоим накажеша мене. ³Помилуй мя, Господи, яко немощен есмь: исцели мя, Господи, яко смятошася кости моя. ⁴И душа моя смятется зело: и Ты, Господи, доколе? ⁵Обратися, Господи, избави душу мою, спаси мя ради милости Твоея. ⁶Яко несть в смерти поминаяй Тебе, во аде же кто исповестся Тебе? ⁷Утрудихся воздыханием моим, измью на всяку ночь ложе мое, слезами моими постелю мою омочу. ⁸Смятется от ярости око мое, обетшах во всех вразех моих. ⁹Отступите от мене, вси делающии беззаконие, яко услыша Господь глас плача моего. ¹⁰Услыша Господь моление мое, Господь молитву мою прият. ¹¹Да постыдятся

и смятутся вси вразі мой, да возвратятся и устыдятся зело вскорѣ.

Слава:

**¹ Псалом Давиду, егѣже воспѣт
Господеви о словесех Хусиевых,
сына Иеменина, 7**



Господи Бѣже мой, на Тя уповах, спаси мя от всех гонящих мя и избави мя. ³ Да не когда похитит яко лев душу мою, не сущу избавляющу, ниже спасающу. ⁴ Господи Бѣже мой, аще сотворих сие, аще есть неправда в руку мою, ⁵ аще воздах воздающим ми зла, да отпадѹ убо от враг моих тощ. ⁶ Да поженѣт убо враг душу мою, и да постигнет, и поперѣт в зѣмлю живѣт мой, и славу мою в персть вселит. ⁷ Воскресни, Господи, гнѣвом Твоим, вознесися в концах враг Твоих, и востани, Господи Бѣже мой, повелѣ-

нием, имже заповѣдал еси. ⁸ И сонм людей обидет Тя, и о том на высоту обратися. ⁹ Господь судит людем: суди ми, Господи, по правде моей, и по незлобе моей на мя. ¹⁰ Да скончается злоба грешных, и исправиши праведнаго, испытаяй сердца и утробы, Бѣже, праведно. ¹¹ Помощь моя от Бога, спасающаго правыя сердцем. ¹² Бог Судитель праведен, и крепок, и долготерпелив, и не гнев наводяй на всяк день. ¹³ Аще не обратитесь, оружье Свое очистит, лук Свой напряжѣ, и уготова ѥ, ¹⁴ и в нем уготова сосуды смертныя, стрѣлы Своя сгараемым содела. ¹⁵ Се болѣ неправдою, зачат болѣзнь, и роди беззаконие. ¹⁶ Ров изры, и ископа ѥ, и падѣт в яму, юже содела. ¹⁷ Обратится болѣзнь егѣ на главу егѣ, и на верх егѣ неправда егѣ снидет. ¹⁸ Исповѣмся Господеви по правде Егѣ и пою имени Господа Вышняго.

**¹ В конѣц, о точїлех,
псалом Давїду, 8**



Господи Господь наш, яко чудно
имя Твое по всей земли, яко
взятся великолѣпие Твое пре-
выше небес. ³Из уст младенец и ссущих
совершил еси хвалу, враг Твоих ради,
еже разрушити врага и мѣстника. ⁴Яко
узрю небеса, дела перст Твоих, луну
и звезды, яже Ты основал еси. ⁵Что есть
человек, яко помниши его? Или сын че-
ловѣч, яко посещаети его? ⁶Умалил
еси его малым чим от Ангел, славою
и чѣстїю венчал еси его. ⁷И поставил
еси его над дѣлы руку Твоею, вся поко-
рил еси под нозе его. ⁸Овцы и волю вся,
еще же и скоты польскїя, ⁹птицы не-
бесныя, и рыбы морскїя, преходящїя
стези морскїя. ¹⁰Господи Господь наш,
яко чудно имя Твое по всей земли.

Слава:

По 1-й кафїсме

*Трисвятое, по Отче наш.**

И тропарі сия, глас 1:

В беззаконїих зачався аз блудный,
не дерзая взирати на высоту небесную,
но дерзая на человеколѣбие Твое, зову:
Бже, очисти мя грешнаго, и спаси мя.

Аще праведник едва спасается, аз
где явлюся, грешный? Тяготы и зноя
дневнаго не понесох, но с наемники
единонадесятаго часа сопритчи мя,
Бже, и спаси мя.

Слава: Объятия Отча отверсти ми
потщися, блудно мое иждих житие, на
богатство неизживаемое взираяй ще-
дрот Твоих, Спасе, ныне обнищавшее
мое да не презриши сердце. Тебе бо,

* Выражение «Трисвятое, по Отче наш» означает, что сле-
дует прочесть ряд молитв: «Святый, Бже» (Трижды), «Слава,
и ныне», «Пресвятая Троице», «Господи, помилуй» (Трижды),
«Слава, и ныне», «Отче наш» (см. с. 4-5).

Господи, умилением зову: согреших на Небо и пред Тобою.

И ныне: Упование христиан, Пресвятая Дево, Егже родила еси Бога паче ума же и слова, непрестанно моли с горними Силами, дати оставление грехов нам всем, и исправление жития, верою и любовью присно Тя чтущим.

Господи, помилуй. (40 раз)

И молитва:

Владыко Вседержителю, Непостижиме, начало света и премудрая сила, Иже Ипостаснаго Слова Отец и Единосильнаго Твоего Духа Испуститель: милосердныя ради милости и неизреченныя благодати, не презревый человеческого естества, тьмою греха содержимаго, но Божественными светы священных Твоих учений, законом и пророки светивый

миру, последи же нам Того Единороднаго Твоего Сына благоволивый плотию возсияти, и ко осиянию нас Твоего просвещения наставити: да будут уши Твои внемлюще гласу моления нашего. И даруй нам, Боже, во бденном и трезвенном сердце, всю настоящего жития ночь прейти, ожидающим пришествия Сына Твоего и Бога нашего, Судий всех: да не возлежаще и спяще, но бодрствующе и воздвигени в делание заповедей Твоих обрящемся, и в радость Его совнидем, идеже празднующих глас непрестанный, и неизреченная сладость зрящих Твоего лица доброту неизглаголанную. Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков. Аминь.